

مشرق و مغرب

محل مطبعه و اداره :

جفال اوغلنده امنيت
صندوغى جوارنده
شنگول يقوشنده
۲۲ نومرو

اخطار :

مسلكمزه موافق آثار
جدیده مع الممنونیه
قبول اولنور

درج ایدلمه یں آثار اعاده اولنماز

دینه ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و شیوه اسلامیه بحث ابر و هفته ده بر نشر اولنور .

آبونه بدلی

صاحب و مؤسسلری :

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۱۳۴

۲۸ ربیع الاول پنجشنبه ۱۷ مارت ۳۲۶

آلتنجی جلد

مدینه اعلان ایتک ایستور . بو اوغورده استحقار مودن بیه چکنمور .

ایشته بو ، عصر حاضرده اولان انتباه اسلامینک ال جلی ، ال پارلاق بر نمونه اعجازکاریسیدر . افغانستان ۱۲۹۴ ده انکلیزلر ایله ایتدیکی محاربه نتیجه سندن بری انکلیزلره ایصنمش ، او وقتدن بری انکلیزلردن ده بر خیلی لطفلر کورمش و بر درجه اطمینان حاصل ایتشدی . افغانیلرک روسلره قارشو اولان عداوت وانتقاملرندن انکلتزه استفاده ایدرک روسیه نک هندستان قاپولرینی چالماسنه بر سد اوله رق افغانیلرک ترقیات عسکریه سنه وار قوتیه چاشمشدر . اسکیدن بری روسیه وانکلتزدنک آسیاده اولان بو رقابت شدید سندن اوتوز سنه یه قریب بر مدت دن بری افغانستان منتظم ، مکمل اردولره و بر چوق قلاع ، استحکامات مستحفظه یه مالک اوله بیامشدر . کابله مکمل طوب ، تفک ، باروت فابریقه لری تأسیس ایدرک شمدی یه قدر پک چوق اسلحه حربیه احضار ایتمشدر . آسیا بسارقی مرحوم عبدالرحمن خانک انکلیزلره قارشو طوتدینی پولتیقه دن امیر لاحقده آریلماش اولدیغندن او سیاست شمدی یه قدر دوام ایتمش و بویله جه افغانستان مکمل بر عسکر مملکت حالته کمشدر . بوندن طولای روسیه ده افغان حدودنده دائمی مهم بر قوت بولندرمیه لزوم کورمشدر .

افغانیلر انکلتزدنک بو قدر مظاهرت ، ومعاونتی کوردکاری حالده داهی شهیر عبدالرحمن خانک وصیتی موجبجه انکلیزلره قارشو افغانیلرک سیاستی دائماً متیقظانه اولمشدر . سیرکود روسله انکلیزک برلشه جکنی او وقت افغان استقلالنک مخاطره ده قاله جغنی پیش ملاحظه ده بولندرمشدر انکلتزدنک مأمور سیاسینی بیه مملکتلرینه سربسته صوقامشدر . قندهار - هرات ، بشاور - کابل خطلرینه اصلا روی موافقت کوسترمامشدر . حتی بر انکلیز مأمورینک کابه کلوب کیتیمی بیک درلو مخاطره ایله اولمشدر . بونکچوندرکه انکلتزه طرفندن کابه کوندریله جک مأمور مخصوصلر اکثریاهندستان اهالی اسلام سندن اولمشدر . حکومت اهالی یه ، اهالی حکومتیه تابع اوله رق اون ملیونه قریب بر کتله بشریه بو سیاست متیقظانه یی تعقیب ایتمشدر ، مع مافیه اوتوز سنه یه قریب بر مدتدن بری افغانستان انکلتزه ایله صوک درجه ای چکنمیه غیرت ایتمشدر . روسیه و انکلتزه آراسنده کی رقابتدن ال کوزل استفاده ایدن بر ملت ، بر حکومت وارسه اوده افغانستاندر .

فقط ۹۰۷ ده انکلتزه ایله روسیه آراسنده آسیا ممالک اسلامیه سنک و ایران یابلارینک تقسیماتی ایچون وجوده کلان ائتلاف و مقارنتی افغانستان کورونجه انکلتزه ایله شمدی یه قدر جاری اولان مسلکی و سیاستی دکشدرمک مجبوریتی حس ایتمشدر . انکلتزدنک افغانستانک عدوا کبری اولان روسیه ایله ائتلاف ایتسی ، بخصوص عالم اسلامی تدریجی بر صورتده یونمق ایچون دست بدست وفاو اولمسی افغانستانک انکلتزه قارشو تنفرینی موجب اولمشدر . چونکه

انکلتزه - روسیه رقابتی افغانستان سعادتسیدر . بو رقابت اوزته دن قالدینی کی افغانستان تحت تهلکده قاله جقدر ایشه بوکون افغانیلر بر امر و قارشو سنده بولندقلرندن انکلتزه ایله اولان سیاستلری ده متحول اولمشدر .

ایشته بو کرکنلکی سردار اعظمک بیانات علینیه سی آچقندن آچینه اظهار ایتمشدر . اوله بیانات که بالمعموم افغانستان نامنه سرد ایدمش همده آسیاده انکلتزه ناشر افکاری اولان بر غزیه درج اولمشدر . اوبیانات که عالم اسلام تقسیم ایدیلرسه افغانستان قطعاً لایق قالمیه جغنی ، داهی شهیر عبدالرحمن خانک وصیتدن انحراف ایدمیدجکی بیلدیریوردی . چونکه او داهی مرحومک بتون املر ، بتون حسیاتی مسلمانیلرک ، تحادی ، مسلمانیلرک یکدیگرینه دائماً ظهیر اولمیری ، ال اله ویره رک اتحاد ، اتفاق ایتلری ایدی . فقط بو امانه کنندیسی عمرنده نائل اولمیه جغنی بیلدیکندن احفاد و اولادینه وصیت ایتمش و بونک وجوده کلسی ایچون غیرت ایتلرینی تنیه ایتمش ، فقط بو یوم مقدسه نائل اولمق و یادیار اولمسه چالشق مطلقا علمه ، معارف ، قوته و ترقیات مدنییه وابسته اولدیغنی ادراک ایتدیکندن اولا بونلرک تعمیمیه غیرت اولمسنی توصیه ، ایلمشدر . بونکله برابر افغانستانک تعالی و ترقیاتی عثمانی و ایران قرده شلرینک احوالندن بیکانه بر صورتده اولماسنی توصیه و افغانستانک استقلالی ، شانی شرفی ، مقدس مقصدی یالکز عثمانی و ایران دولترلرینک وجودیه قائم اوله جغنی بالدفعات آکلامش و : « بز انکلتزه ایله ایتدیکنم معااهده موجبجه خارجاً هیچ بر دولت ایله ادامه مناسبات ایدمیه جک ایسه کده عثمانی و ایران دولتری ایله دیناً ، سیاستاً ، موقعاً مربوط بولندیغمن دن بودولتردن برینک تحت تهلکده قالمسی نرم تحت تهلکده قالمه منر دیمک اولدیغندن ، بویله بر تهلکده ظهورنده ، افغانستانک معااهده طانیمه منسی حفظ اسلامیت واستقلالیت نقطه نظرندن فرضدر » دیمشدر .

بونکچون بوکون افغانستان ایران قرداشنک هر درلو احوالنه لایق قالمیه جقدر . ایشه بواون دردنجی عصرده باشلایان اتحاد اسلام نمونه لریدر . اخوت غلیانلریدر . اسلامک شوکت مستقبه سنی تشریدر . بواو جیوز الی ملیون افراد بشردن تشکل ایله قریباً طلوع ایده جک اولان شمس اتحادک صبا حیدر .

نور علی زاده

غیاث الدین حسنی

دار الخلافه العالمیه ده ، صراط مستقیم ، جریده معتبره سی

مدیر یکنه

محترم اقندم

لوندرده بر جامع شریف انشاسی تصویرینک اون اون بش سنه دنبری اره صره اورته یه قونیلدینی معلوم عالیلری اولوب حتی

مطمان بولنديغم هممات عليه لرينه تشكر و عرض احترام ايلرم .

۱۴۱ ربيع الاول سنه ۱۳۲۹ امير علي رضوي

آدرس : [تلفراف ايجونده كافيدر]

Rt. Hon. amee.ali P.e.

London.

شبه ستر معلوم عاليديدرکه لوندرده براسلام معبدینک فقدانی
چوق زماندن بری انکاترده مقيم وياساسافره بولنسان بالجه صنوف
اسلاميه طرفندن حس ايدلسکده ایدی . طلبه اسلاميه کوندن کونه
مترايداً انکاترديه کلکده بولنسی بواحتیاجی تشديد ايتمشدر . انکاترده
مقيم مسلمانلر باشلجه لوندرده مجتمع بولندقلرندن مناسب
برعبادتخانه ک عدم وجودی حسیله حتی بایرام نمازلیخی بیله لوقنطه
واوتل کی علملرده ایفایه مجبور قالمقده درلر . کچن تئسیرین ثانی نک
طقوزنجی کونی لوندرده هندکبراسندن آغاخان حضر تلیرنک تحت
ریاستنده بوراده بولنسان معتبران اسلاميه وبرجوق انکلیزه مجلردن
مرکب اوله رق عقدایدیلان اجتماع ابتدائی دن اشبو مبرم احتیاجک
دفعی مسئله سی تذکرايدلمشدر . نتیجه مذاکراتده لوندرده برجامع
شریفک لزوم قطعیتی تسلیم ایدیلوب درحال عالم اسلامه واکابر
اسلاميه مراجعت اوله رق یوزمیلیون مسلمانی محتوی بردولتک پای
تختنده براسلام عبادتخانه سی موجود بولونمامسی کی برنقبضه نک همان
ازالهی چاره لرينه توسله قرار ویرلمش وکیفیتک یالکیز هندلیلردکل
بالجه مسلمانلر طرفندن تهالکله درعهده ایدلمش بولنديغنی کمال
مباهاته عرض ایلرم . موضوع بحث اولان مسئله حقنده دها اولدن
ممالک عثمانیه ده تشبثاده بولونديغنی کی لوندرده عثمانی سفیرکیری
ابهتلو دولتلو توفیق پاشا حضر تریله ایران سفیری حضر تری . دولت
عثمانیه نک بروکسل سنیری عطوفتولوعبدالحق حامدبک افندی حضر تری
ایله انکلیز مجباندن لورد تهمپتیل ، مشاهیر علمادان لورد تهمپوری ،
لورد لاینگتون ، مبعوثاندن لورد رونالدش ، سیرجیس لافونتن سیر
تئودور موريسون ، مبعوثاندن سیر ویلیام بول وینه مبعوثاندن
سیرسمور کیغ کی رجال معروفه لوندرده برجامع شریف انشاسیچون
تشکیل ایدیلان جمعیه داخل ایشلردر . لوندرده عائله وملكکترندن
جدا قالان طلبه اسلامک عادات ومعتقدات اسلاميه یی محافظه لری نقطه
معتناهایی نظر دقته نهرق موقع فعله ایصالنه صورت قطعیه وجدیده
تشبث ایدیلان شواصرخیرک مظهر تصریب حمایت علیه لری اوله رق
لوندردی زیارت ویا بوراده اقامت ایدن بیوک کوچک بالجه مؤمنینک
وازجهله مقصداری جدا کثیر بولنسان مسلمان کیجیلرک احتیاجات
معنویه لرينک تأمیننه همت ایدیه جکئی قویاً امیدایدرم . لوندرده
برجامع شریفک موجودیتی مسلمانلرک صورت لایقده ایفای وظائف
دینیه ایدیه بیللملرینی تأمین ایتدکدن باشقه عینی زمانده انکاتره پای تختنده
بویله برنشانه کزین اسلامک مشهود اولمامسی انکلیز قومی ایله ملل
اسلاميه بیننده تأمین مخادنته واسطه حسنه اوله جقدر . بوبابده طرف

تقریباً بر سنه دئبری جریده معتبره لری طرفندن اغانه جمعیه صرف
مقدورت ایدیه لریک مذکور مقصد خیرک قوددن فعله چیقمنه همت
ایدلمش بولنديغندن « صراط مستقیم » ده شرف تشبثدن حصه داردر .
بناءً علیه بر قاج آی مقدم تشکیل ایدیلان « لوندردی جامع شریفی
اغانه جمعیتی » نک تحریرات عمومیه سنک ایلاک نسخه لرندن برینک
طرف عالی لرينه ارسالنه مسارعت ایدلمسی بوبابده کی هممات مسبوق لرينه
قارشى وجیهه ذمت عد ایدلمشدر .

انکاتره یا تختنده زوار اسلامک کوندن کونه تکثیری وخصوصیه
لوندردی و جوارنده تحصیلده بولنسان طلبه اسلاميه نک امثالی نامسبوق
بر رادده تزیادی حسیله بو منف مسلمانلرک احتیاجات دینیه لرينه
کافی و شان جلیل اسلام ایله متناسب بر معبدک سرعت ممکنه ایله
وجوده کتیرلمسی امینیه سیله تشکل ایدن جمعیت حقنده لازمکلان
معلومات صورتی ملفوف تحریرات عمومیه ده بسط وایضاح ایدلمشدر .

ایضاحات و متممه اوله رق شوراسنی عرض ایلیمک ایسترمکده مقصد
من انکلیز یا تختک مناسب بر نقطه معتناسنده بر جامع شریف ایله
اتصالنده بر کتبخانه و اخوان دینک تعارف و تنویرینه مخصوص
بر محل اجتماع وجوده کتیرمک اولوب بونک ايجون سکسان الی
بوز بیک ایرایه احتیاج کورلمکده در . بومبلغک قسم اعظمینک هند
ستاندن جلب و تدارکی مأمول و طیبی ایسده مقام قدسیت التمام
خلافت اسلاميه اولمقله مشرف بولنسان دولت عثمانیه مسلمانلرینک دخی
معناً و ماده ابدال معاونتدن کری طورمیه جقلرندن امینر . بناءً
علیه مسرودات سالفه نک عثمانی دینداش لریمک نظر اطلاع و همتیه
عرضیه شو امر خیره اشتراک دعوت ایدلملرینی رجا و جریده
محترمه لری واسطه سیله جمع ایدیه جک اغاناک یا طوغریدن طوغریله
ویا لوندردی عثمانی باش شهبندر لکی واسطه سیله « لوندردی جامع شریفی
اغانه جمعیتی » نه ارسالنه همت بیورلمسی رجایه مسارعت ایلورم .

سفیر کبیر ابهتلو دولتلو توفیق پاشا حضر تری جمعیت اعضا الفی
قبول بیوردقلری کی لوندردی عثمانی باش شهبندری دخی اعضای
اجرائیه میاننه داخل و در دست تشکیل بولنسان هیئت امناء (Trustee)
به انتخابی مقرردر . بر هفته مقدم لوندردی سفارت عثمانیه سی میاننه
واسطه سیله مقام صدارت عظمای عثمانی و مقام معالی مشیخت اسلاميه
ایله خارجیه نظارتی و اعیان و مبعوثان ریاست جلیسه لرينه مراجعت
ایدیه لریک نام بلندلرینک کافل موفقیت بر نشانه تشویق و حمایت اولمق
اوزره جمعیتیز ریاست فخریه سی و اعضائی جدولنه ادخالنه مساعده
بیورلمسی استرحام ایدلمش و قویاً مأمول اولدینی اوزره موافقت
جوابلرینک ورودینی متعاقب مستعینا بالله هندستانه و ممالک سائر
اسلاميه به مراجعت مصمم بولمشدر . اجتماع ابتدائی به ریاست ایدن هند
کبراسندن آغاخان حضر تری طرفندن بش بیک لیرا اعطاسی شمیدین
تعهد ایدلمشدر « صراط مستقیمک » جریان احوال دن و اجرا آندن
منتظماً خبردار ایدلمسی طیبی اولوب بوبابده دریع بیورلمیه جغندن

عاليرينه پيدري معلومات اعطاسي متصور ايسهده شمدليك مراجعت داعيانه بدن مقصد لوندريه جامع شريفى اعانه جمعيتى اعطاسي ميانسه نام عاليرينهك ده ادخالنه مساعده بيوريله رق عالم اسلامه مراجعت قريبه مزك تسهيل وتشويق ايدلسنى رجا ايتمكدن عبارتدر ، مراجعت مقرردهك بلافاته وقت اجراسى الزم بولنديغندن جمعيتمن اعضالنهك قبولنه دائر جوابك سرعت ممكنه ايله وحتى قابل اولدينى حالده لطفاً تلغرافله آتيدكى آدرسنه ارساله عنايت ايدلسنى صورت مخصوصهده استرحام وعرض احترام ايلرم افندم في ١٢ ربيع الاول سنه ١٣٢٩ «لوندريه جامع شريفى اعانه جمعيتى» رئيسى وانكلكتره حكمدارى مستشار خاصلرندن

اميرعلى رضوى

تلغراف آدرسى :

Ameer Ali,
London

ازميردن وارد اولشدر :

بويقوتاز

بريك قونفره سنك اوز عثمانليده

هديه

مابعد

اوزرمزه صالحيرديلر و بزي (بوسنه - هر سبك) ي آغلايه رق آ ووستريايه تركه ، بولغارستانك روم ايلئ شرقى ايله برابر قرالاق تاجنى فرديناندك باشنه قويمايه مجبور ايتديلر . بونلري ياپدق ؛ فقط المزدن كلن انتقامى ده بويقوتازله آله بيلدك . بو سايهده آ ووستريادن تضمينات آلدق . اورادهكى اسلام قرداشلرمزك حقوقنى آز چوق محافظه ايد بيلدك . قوتجه ضعيفلر كمز ، نقطه حيتجه قوتليلكمز دوللا . بيسيله قوللانه بيله جكمز يكانه سلاح بويقوتازدى ، بونى قوللاندىق واك قوى حكومتلري بيله دوشونمكه مجبور براقدى .

خيالى يونانستانك كيزلى و كيرلى الارى ديمك اولان اتيكى اتريا جمعيتى قومشودولتترك بوقايشماسندن استفاد ، ايتك ، وجودمزك اك قيمتلى و اك جان آله جق بر پارچه سى اولان كريدى كندينه چكمك ايسته دى . اوراده بيللرجه وييللرجه زماندن برى چويرمكد ، اولدينى فساد دولابرينه برقات ده ايشاهكلك و يردى . كريد ملت مجلسنده خريستان اعضايه يونان قرالى نامنه يمى ايتيردكدن باشقا اسلام اعضالنه ده بصورتله يمى ايتلري ايچون اوللري صيقشديرمه يه باشلادى . بوكا راضى اولمايان ، عثمانليق نامندن ، شرفندن آيرلىق ايسته ميه ين اك حيتلى اسلام اعضالنهك مجلسده طوق تلامسنة سبب اولدى . اورادهكى اسلام قارداشلرمن جانلرندن ، عرضلرندن ، ماللرندن امين اوله ماز بر حاله كتيريلدى . اوراده هر دينك حرمت ايتديكى عبادتخانه لرى ، جامعلرمزى ، مسجدلرمزى بررميخانه حالنه صوققندن چكينيلىمده دى . منبرلرده عشرت بسفره لرى قوره رق ،

محرابلرده شيعه لار ارتكاب ايدهرك ، دينزه ، پيغمبرمزه سوكره ك ، تره لرمزى ، مزارلرمزى يي - قهرق ، باكره لرك عرضلرينه تسلط ايدهرك ، كبه قادينلرمزك رحلرنده كى ياوورولريله قانلرينه كيره رك ، قاديندر ، چوجوقدر ، عاجزدر ، زواليدر ديمكه ، دوشونمكه لزوم كورمه دن آياقلىر ، صوپلر ، قاملر آلتنده چيكنه يهرك ، دوكره ك ، يارالايهرق انكيزبسيون جلادلرينك بيله ياپه مايه جقلىر الحاق ققلىرى چكينه بدن ، تيزه بدن ، كوز قاپامدن ياپديلر . هيچ برشيدن ، هيچ بر جنايتدن ، هيچ بر شنيمه دن كرى قالمديلر والا نده قالمياورلر . بز بو حالره ، اورادهكى اسلام قارداشلرمزك كوردكلى بو اشكنجهره قارشيدن سيرجى اوله مازدق . بونلره مانع اولمق ، دين قارداشلرمزك ، وطنداشلرمزك دوجار ايديلمكده اولدقلىرى بوخيانتلره بر نتيجه ويرديرمك ايچون يوره كنده اك كوچك بر حيت دويغوسى حس ايدهلر شهبه سزكه وار قوتلريله چاليشه جقلىرى . فقط نه ياپيله . بيليردى ؟ يونان حكومتى رسماً بر شى ياميايور ، كريدده چوريلن بو خائنجه دولابلىر هپ اونك كيزلى پارماقلىر اولان اتيكى اتريا واسطه سييله اداره ايديليوردى ، يونانستان ، او ، كريد ايشلرينه قاريشمايورم دييور و بونده اصرار ايديليوردى . بناء عليه او كقارشى محاربه آچق ، اوندن بو آجى ، بونهرلى جنائترك انتقامنى آلمق قابل ديكلى .

بر مدت كريدده جريان ايدن بو قاننى ، بو آتشلى جنائتلره قارشى كوپوردك ، ميتينغلر ياپدق ، بورالرده باغيردق ، چيرپيندق ، سويلدك ، تايمين ايتدك كه كريد بزم اجدادمن طرفندن يكرمى يدى سنه لك اوزون بر محاربه دن ، يوز بيكارجه شهيد قاننى امكدن ، كيكارينه شهيد مزارى اولدقندن صوكرام بزم اولمشدر . اوراسى عثمانليغك اك مقدس ، اك مبارك بر اجداد قبرستانيدر . اورايى يابانچيسارك ، دشمنلرك كيرلى آياقلىريله چيكنه تمكه راضى اوله جق بر عثمانلى ، بر تك عثمانلى بولونه ماز . بناء عليه نافله و نتيجه سز بر امل اوغرنده بو قدر جنائتلر ، بو قدر آلقاقلر ارتكابه كوز قانماق انسانيت ، عدالت دكيلدر . كريد بزم يالكز بر شهيدلكرم اولمقلا قالميايور . كريد عثمانلى دولتشك قلى يرنده در . اوندن آيريلمق ، عثمانليق ايچون حياتدن ، وارلقدن آيريلمق ديمكد . وبونك امكانى يوقدر . فقط بزم بو ميتينغلرمن ، بو فريادلرمن دشمنلرمن اوزرنده اك كوچك بر تاثير اجرا ايمده دى . بزمه ، ميتينغلرمنله اكه نمكه ، آلاى ايتمه كه باشلاديلر . او زمان بو كستاخقلره ، بو آلقاقلره قارشى بزده اويانان درين انتقام دويغوسنه بر تطبيق صورتى آرادق و بولدى : بويقوتاز ! يونانستان رسماً ايشه قاريشمايور . حكومتمن رسماً او كا حرب آچه ماز . فقط يونانيلر خصوصى اوله رق بزده دشمنلق ايديليورلر ، او حالده بزده رسمى اولمايه رق ، يونانيلره قارشى قوللا . نه بيله جكمز يكانه سلاحزى چيقاردق ؛ او كا خصوصى بر ملت محاربه سى ، اقتصادى بر حرب ، بويقوتاز اعلان ايتدك .

اوت بو بر محاربه ايدى و بر محاربه كى بر قوماندا ، بر اداره